



雲山堂集卷六

文目

奉政大夫三湖馬公墓表

中奉大夫二峯胡公墓誌銘

鄧母湯太夫人墓誌銘

大母袁孺人墓誌銘

伯祖母葛孺人墓誌銘

孟父處士寅齋遷葬墓誌銘



仲父奉議大夫三峯墓誌銘

亡妻劉恭人墓誌銘

贈工部尚書鮑先生墓誌銘代作

祭余母

祭吳中書夫人

祭劉侍御太夫人

祭劉太夫人

祭劉中丞封君

祭封君

祭黃羅湖代父

哭延甫十八弟

祭彭處士

雲山堂集卷六

楚蒲圻順甫魏裳著

奉政大夫三湖馬公墓表

歲己巳

天子詔天下有司問高年馬公年七十有八行至高令尹毛君彬造焉

恩至渥也亡何公卒明年乃襄大事裳表其墓曰嗚呼此大夫馬公之墓公諱練字元素家邑

寧山堂集卷六
之官田里里有三湖公樂之是稱三湖先生曾
祖駿登永樂戊子鄉試仕終崖州同知有聲娶
胡氏生順中順中娶何氏生奉政君文獻奉政
君娶黃宜人以弘治壬子八月九日生公奉政
君初娶龍宜人生子綱繼已娶黃宜人生綬繼
及公公蓋白眉也奉政君為諸生時夢生子試
場中下第歸則公生日兒生使我不第意者其
天乎奉政君竟以歲貢為彭山學司訓父喪畢

復為瑞州郡學非其好也公性穎異幼有鉅入
志奉政君授詩公學詩已授易公又學易弱冠
即明化經多所博觀外家語正德中為諸生有
文章名已外御史毛公伯溫試其文予食廩公
曰吾豈重一糈哉乃讓友人徐應元食其廩公
果登鄉試高第公試南宮數年不舉進士或謂
公卒業太學公自鏡鬚眉曰豈有狀貌如吾不
成大名當世哉嘉靖己丑舉進士令嘉定嘉定

蘇劇邑多豪豪賂猜禍吏為姦公法之其下戶
羸弱雖文致法必加意輕平焉御史某子少孤
奴私於母得其產諸大夫貴人多為奴地公寘
奴於法孤立行一意亡憚邑故有渠塞不治十
年公濬之溉田可千萬頃百姓饗其利王老四
者販私鹽海上勢甚盛二千石莫能制公召而
諭之化為良民邑學湫隘公更諸爽塏為教令
習諸生試其文高等給糈食除更繇諸生皆成

就有名邑故名浩穰費不貲公折節為儉不燃
官燭諸察化之公名由是益賢甲午陞南京戶
部主事歷陞員外郎中監稅揚州以清謹見稱
己亥遷河南府知府河南伊王封地王暴縱府中
人白晝攫人金亡論奪人妻女即游閑公子比
之得金乃還舉人某入境使人奪其善馬公以
法繩之人皆股栗王敬憚焉公初娶曹宜人卒
更娶張宜人南都或抵聞宗伯淵誣公千金買

雲山堂集卷六
三
妾遂免歸公為諸生邑人岳池尹但偉夢曰公
出身如忠甫止官於文淵時忤忠甫瑜舉進士
人謂公必有佗日文淵為先伯大父滋莫知其
徵公起家進士為郎以聞淵免不偶哉先是嘉
靖丁酉公以主事三年封承德郎贈文獻如其
官母妻皆安人至郎中報政
誥封奉政大夫贈文獻亦如之母妻皆宜人公
焚香稽首謝曰練奉職亡狀不足以報

國恩唯願

聖天子萬壽聞者謂公忠愛如此公自河南歸
即亡爵祿之念非公事不入公門與邑中賢豪
長者相結多投轄之風先君中憲大夫蓋兄事
公云公性孝友行誼高心常有以自下亡論長
少踈戚亡忤家自父兄約賓祭如禮鄉人粥產
直恒倍貸息錢多所焚券性好讀書老而不倦
年七十作細書甚莊寸帛片楮藏以待乏曰陶

雲山堂集卷六
士行之意也。植花卉庭前曰：吾心不移於佗，譬諸草木，生意耳。治生養性之功，人多取法焉。及卒，知與不知，莫不流涕。先期戒諸子曰：吾壯年及八，非喜則憂六十八，病今七十八矣。汝其識之。七月二十日遂卒。明年十一月八日，塋于羊樓之黃家山。子四：麟之龍、之驥、曹宜。人出之。麟之驥，邑庠生之龍。太學生先公卒之倪、張、宜人。出嘉靖甲子舉人女一。適謝少司馬子三策。

孫男十，舍舍倉令介、企、令、龠、龢、孫女四：孟、適、吾兒、樸。如次。適舉人任文定。

魏子裳曰：孔子不云乎？良農能稼而不能為穡，良工能冶而不能為順。公卿大夫尊顯者，豈不當世榮哉？沒則已焉。先生以高誼著里中，為郎為守，赫然令聞。子孫皆篤厚有文，世其家，榮名豈有既乎？

中奉大夫二峯胡公墓誌銘

公諱堯元字廷獻邑南塘鄉人晉徐州刺史武
僑居宿遷劉宋太子左衛將軍藩錫土豫章乃
家新吳以功封山陽縣男謚壯侯趙宋高安令
用錫徙家龍口至元海徙橫江

明興慶一避元兵卜居邑南塘鄉蓋自新吳遷
始世其家公父魯亭君慶一六世孫也為人剛
毅愛讀古人書起家成都學官娶石氏生子四

雲山堂集卷六
六
人公其仲子也性莊敏人望之甚畏敬兒時遊白石山謁顏真卿祠嘆曰大夫夫死國血食斯土榮名豈有既乎為詩歌心慨然自許忠義蓋其性云正德庚午省試登第辛未舉進士授戶部山西司主事督賦通州逆闖劉瑾專政天下言利事析秋豪吳而屬歲侵舉羸公白大司農減費語侵光祿將作諸監事中貴人銜之明年督金盞馬房近諸闖人谷大用者瑾黨也嘗以

門客屬公公沮辱之大司徒王瓊以谷言責公公曰官至尚書倚若為冰山耶瓊大恚亟謀去公臨清州監督主事代疏公往臨清為漕孔道諸闖共事者十有一人公居其間清潔自守無一語及私與人交面折不能容其過然心誠實無他腸入諒之居亡何漕事辦闖亭圃署中日以文籍自娛倦則習弓馬以射亡返也天官楊一清雅知公賢以王司徒言薄譴之故事諸曹

卽不能劇者更州貳乃上言謫公高郵州同知
州運河故邗溝也水自諸湖入河承下流兼三
十六湖之任歲春秋湖水羨溢河不能洩害諸
田甚夏冬水涸不可田民苦之公請倣古人溝
洫之法方一里為溝深一丈六尺廣二尺至興
化而止河東故有涵洞石插如法脩之以時啓
閉旱潦不能災民甚賴焉州民好淫祀士女祠
東嶽亡忌公毀之更為文游臺祀蘇東坡黃山

谷孫莘老秦淮海四賢群諸生其中辨其文藝
高等以俸錢給之惠通河諸驛煩費不貲公往
覈歲省數千金徐州諸生王某貧亡妻公試其
文藝高等為之聘生果壬午登第吳某客死公
為棺斂買舟資以歸秋大水大中丞葉蘭督治
河夫錢急公曰歲且飢重困百姓吾何忍哉遂
條其不可狀以請省夫銀五千餘兩亡何攝江
都邑事至則廣謀議求民莫好古教化表孝弟

力田有行予民興其利江都治丁丑
上詔指揮侯妻馬氏入宮言官諫不聽公上疏
畧曰漢選后宮家人子入侍唐納壽王妃緩和
天寶職為亂階臣不忍天下後世非
聖為漢帝唐宗

上不納諫其忠不罪闖人史其督制

御服還京所過郡邑賊殺亡辜甚衆寶應令林
馥筭四十宿遷簿孫立開風自縊以死他郡邑

多以金免公抗疏條其姦職乞詔法司訊鞠梟
其首都門以謝百姓復斬臣首以謝史某天
下幸甚疏上事竟寢公之出位言也人人危之
上寬仁亡讎人莫不賢公戊寅冬遷江都瑞
州府通判高郵人思之貌公游臺增為五賢祠
語在給舍王元凱冬官孫峻記中江都人思其
遺愛立祠公至郡之明年督餉吳城六月宸濠
反大中丞孫燧副使許遠死之公自吳城聞變

微服徒步夜行且伏間道五百里還郡時郡守
宋以方被禽寮屬亡去公攝郡事召士民泣諭
之死守無二遂請兵大中丞王守仁即日具疏
上上召所使人榻前勞問賜食詔權公為守偽
駙馬李壽掠城公急集城中兵謂妻黃淑人曰
吾與城俱亡汝善為計淑人泣曰君其盡忠毋
以妻為念公出淑人懷印抱女顧季子宣及家
人胡求曰事若不測妾當投井以死宣歿生待

父耳公乃簡壯士盛官儀詐稱迎蕃伏兵石鼓
潭擒之斬首九十四級溺死者不計其數報至
王守仁曰微胡通判瑞其不免乎下檄獎賚公
謝不受曰國難未靖敢拜檄耶守仁遂屬公兵
使備賊亡西公曰濠無西意第恐東下為憂耳
乃使人聲言瑞兵十萬且至夜城西隅忽墮城
中鼓譟謂瑞兵至矣濠懼脩戰守之具甚備七
月望帥兵趣南京抵安慶守仁合諸郡兵攻南

雲山堂集卷六
十一
昌屬公攻漳江門公入擒偽太監萬銳并賊倪慶周壁傳令諸將曰生擒賊者受上賞殺傷人抵罪城完人無傷者濠聞失南昌自安慶還救守仁發兵迎戰公勵壯士前戰于黃家渡偽都督吳十一馳馬向公公佯却發一矢射死之擒賊周瑞追戰于八字腦擒賊二百七人師次鄱陽湖天南風公曰賊衆難卒平乘風縱火可得志或謂風亡常難恃公曰討逆自天何疑哉乃

詔以江西功擢按察使會按察使亡閒暫授廣西布政司右叅政俸級正三品公再疏辭

上不允乃就任總督糧儲巡察邊務恪共職事浴客邑為賊陷幾廢公復之建桂林書院買田百畝給筆札膏燭選學官明經者為師使諸生各以其經受業焉語在春官鄭惋記中士首岑猛守田州以兵力自多凌轢侂郡甚劉召者猛逆黨也誘執都指揮孫震曰必復土目退官兵

乃還震耳或謂震輕嘗賊請釋召公曰震固易
敵田州土酋得無陰使召耶土目復官兵退召
必擁震而入思恩計之脫矣乃條土酋罪狀白
當道督責諸帥難之不從已和召召果以震去
思恩如公言大中丞盛應期屬公曰諸師違若
言敗若深知兵其盡力公辭不獲乙酉三月進
兵擒賊將李隆禮陸利廣脫其縛結以恩信使
執召以免已執召當道欲殲其衆公乃分而田

與吉安太守仵文定部分將士縱火賊舟遂俘
濠公追餘賊樵舍擒吳十九等一百一十五人
轉戰吳城擒徐錦鸞等八十二人賊平公還郡
淑人曰吾與君得生天祐社稷耳公以郡承師
旅之後務在拊循為條教下諸州邑訪故老咨
評民利病清獄市輕徭薄賦郊行勸課農桑賑
貧恤死醫藥療疾疫嘗裁郡中徭費三千餘金
諸郡風之俗故健訟行苞苴公廉其人置之法

雲山堂集卷六
仍大書榜其門奸訟衰止郡多盜公得其渠魁
誅之餘縱歸田野亡窮治盜多化為良民歲苦
旱公禱即雨大得人心脩治學宮選開敏有材
者親自訓飭建筠陽書院程諸生文藝歲給官
錢士咸感奮刊孝經家禮小學諸書頒塾師弟
表忠義飭祭祀孔子廟庭祭器樂舞甚備嘗集
歷代史循良吏一編師其政事治行稱異語在
天官劉文光所為遺愛碑記中嘉靖壬午

里之者萬五千人蓋自召叛至今十有九年矣
公乃策入東蘭那地原占金城諸絕域經畫孺
理宣布

朝廷威德奏凱而還事聞

詔賜白金二十兩纒絲二表裏是年冬大中丞
姚謨疏請征猛

天子可之詔下謨問曰計將安出公曰岑施王
達為猛敗失其職守怨猛深今若許其立功還

故職則二人樂為用又使人聲言兵若干萬取田州猛必專意泗城乃使思恩南寧武緣各整兵旅待湖兵至夾攻之三面受敵猛亡能為也若餘兵四掠以右江兵出賓州左江兵與南寧武緣合思恩兵從後擊之賊將奔哭無地歸順者猛之南屏也猛親戚在焉猛急必道歸順趣交趾若陰使人結其所親以成扼吭之功乃萬全策耳謨奇之遂屬公入鎮南寧湖兵至檄公

為監軍督都指揮沈希儀張經李璋張佑程鑾等伍將軍帥兵八萬分道進令曰擒猛者賜千金爵一級昇其地黨惡者移兵誅之猛懼謀不知所出裂帛書寃狀抵謨謨不聽六月一日公帥兵進攻賊將陸綬號萬人敵猛男邦彥素驍勇公曰此難以短兵接也選精騎馳射之綬五易其馬公追之殺七十四騎而後授首邦彥逃猛果謀出奔猛婦翁歸順知州岑璋以其女失

雲山堂集卷六十一
愛於猛憾之欲得猛為功先是公令沈希儀等
察千戶趙臣雅善璋遣臣抵璋所得與猛相讐
狀說璋擒猛自效邦彥守要害璋佯以姻故遣
千人助之實為間邦彥納之及兵擊邦彥璋千
人為內應竟斬邦彥猛奔璋招之曰事急矣願
主君走歸順三四夕可至交趾猛從之公策猛
已至璋所遂以萬人持歸順璋遣人持牛酒犒
師見公謝曰猛欲走安南璋擊之亡去幸緩五

日當縛至轅門公許之璋乃詒猛曰天兵已退
當為君奏白寃狀遂為疏令猛出印印之璋知
猛印所置酒賀猛持醖酒一盃進曰天兵索君
急不能庇請自為計猛遂飲酒以死璋斬其首
并佩印遣使至軍門上之所分兵復斬賊將王
琳等事聞

詔賜白金二十兩紵絲四表裏初公聞邦彥授
首慧非真進隴容巢窟驗之冒瘴死復蘇猶口

授諸將兵事一十三條疾遂篤輿至橫州卒時
嘉靖五年九月二十九日距其生成化十九年
十一月十四日年四十三衆將錢溥知州陳堯
恩視公行李唯夏衣數襲圖書盈篋遂發公帑
歛觀焉初公事曾亭君孝敬死盡哀喪葬如禮
與弟克凱學以聖賢為師里中人咸偉視之田
二十七畝有奇公大父貽也乃授其宗人共田
之以共祭祀又別市田五十二畝為宗人養余

某被誣當死公白當道得脫余以金謝公拒之
曰當道釋汝我何與焉一夕夢宴于大庭覺如
醉心異之越七日瑞人以劉文光碑文來祠成
則夢之夕也公博物洽聞尤精究曆數僉憲申
惠嘗問曰君壽幾何公曰數在兩戊申曰然如
之何公曰命也焉可逃乎以丙戌年卒月戊戌
不偶哉士民哀如喪考妣請立祠大中丞石金
疏公死國事乞贈官立祠以祭

詔曰胡堯元實死國事贈中奉大夫右布政使
祠桂林武昌郡及邑志互載其事公丈夫子三
長旦仲昱乙酉舉人陝西韓城邑令季宣早喪
女二長適嘉魚兵部尚書兼太保李承勛子救
益郡長史次適宋儒珍丁酉舉人孫男二景仁
景猷俱庠生公以己丑十二月二十九日塋于
江夏金口饑山之陽昱以桂林門生副使白濟
狀屬子銘魏順甫裳曰士平居言事亡不見長
者至當事變則首鼠然若胡公者可少哉可少
哉劉養正言帝星明江漢不識
真主宜其及也公才能輔世當
聖人興不及佐太平業以死惜哉嗟乎非烈士
夫孰能當此者乎

鄧母湯太夫人墓誌銘

鄧太安人卒蓋後封君栢居二十有二年矣其
子汝嘉廷猷等使孫士達屬余銘余與汝嘉同
舉郡中又士達余子婿也乃銘太安人邑處士
湯義女性貞惠父母不予凡兒乃擇衰褐之人
行可與俱者歸焉封君友信幼有志操處士君
高其行遂室太安人太安人歸封君年纔十七
謙讓恭謹執勤婦道事舅姑孝敬端操以奉君

子封君家世豐產好施予能賑人之急表正鄉
間有陳仲子王彥方之風使諸子讀古人書服
儒衣冠言行稱先王不惟使其成名高等耳太
安人佐之不違其志以故成諸子德業過人嘉
靖丙午廷猷舉郡國明經高第明年封君卒家
僮嘗收債里中貸錢者不入太安人曰徃貸之
錢為人之無者以為本業也貧不入何忍責之
耶悉取其券焚之初太安人業已抱子復為封

君置媵曰但使多男豈必皆吾姪哉已而媵子
太安人子之如已子今五丈夫子稱難兄弟人
以是賢太安人 先皇時廷猷舉進士官民部
心常在太安人乃乞監稅江西便道以省廷猷
以太安人且留太安人曰吾性疏頑訓誨無素
恒恐汝負辱清朝增地下之羞若欲貽父母令
名當盡忠報國無他念廷猷報政
天子下褒嘉言贈封君如廷猷官太安人如例

太安人貴不以加於鄉人宗族聲名由是益賢
嘗從廷猷建昌郡中亡美衣鮮食之好朝夕戒
曰為民父母當愛民如子民窮財盡勿輕刑罰
故廷猷任職居官稱清謹云太安人在郡以兵
寇思歸謂廷猷曰汝竭心力國家勿以老母為
念泣數行下若不能須臾者亡何言官以寇事
指摘廷猷竟奉太安人歸歸且八年往來諸子
家就其糈養心所欲而更亡恒期也居嘗語廷

猷曰居官為忠臣在家則為孝子吾死瞑目矣
乃以隆慶三年十一月二十九日考終正寢年
七十有一子五長廷猷嘉靖癸丑進士戶部主
事歷陞員外郎中由江西建昌府知府廷雲南
大理府次廷佩廩生三子廷儒滕龔氏出楚府
引禮四子廷訓五子廷弼增生孫男五長士彬
庠生廷佩出次士望庠生士達隆慶庚午舉人
廷猷出餘幼未名太安人以卒之明年正月初

雲山堂集卷之二
二十
十日卜塋于邑蒲首山銘曰

賢哉母傳所稱馬倫湛氏何以加哉諸子裹
踵握瑜流光沒世長發其祥與天壤俱况佳
城鬱鬱哉

大母袁孺人墓誌銘

大父文林郎質菴君大母袁夫人卒于蜀袁夫
人先質菴君三年蓋嘉靖元年壬午也故塋未
有銘二十有九年庚戌裳登進士第明年辛亥
婦劉氏卒京師故事妻卒得偕幼子還故里乃
請告

天子歸歸而謁質菴君墓已謁袁夫人墓父泣
謂曰汝知大父母德乎不有以識之安所傳不

朽也裳唯唯一日父示所為表夫人狀曰此吾
寢苦筆也裳讀之即如見表夫人者手之京師
求大父行有名士知表夫人者亡得焉三十四
年乙卯裳哭母京師以喪歸世父長史公正初
出南克母廷評德純為質菴君銘以示表夫人
未有銘如故以命裳裳蓋聞之父曰夫人諱世
英字敬徽處士表文廣之女文廣家世力穡重
為邪以計然積著之理致之饒益傳所謂素封

者非耶嘉魚李氏世清貴多文廣才遂以女女
之是生我表夫人夫人婉嫻淑慎閑儀訓甚當
李氏心逮嬪我質菴君躬持清素縞衣推布標
作亡勸夫人嘗夜與家貧婦會績數以餘光振
之至他子婦綺麗則目攝之耳湯塘居士君謂
件孺人曰有婦如此吾何憂質菴君受經生下
帷里中非其好也夫人治閭內縱之學一時知
名士多驩質菴君夫人旦佐質菴君投轄夕篝

燈課諸子讀古人書躬麻泉泝泝統亡憚質菴君破萬卷未寢夫人不先也正德丙寅質菴君治第王子山中會郡守以縣志屬夫人率世父處士公正時屬功亡不當質菴君意者質菴君才豪志矻矻不入下丁卯舉郡中高第越十有五年之隣水尹砥礪名行夫人攻苦茹淡以約資蕪雖一膏沐不以煩縣官質菴君官一年大有聲夫人佐之也質菴君如成都夫人疾輟櫛

沐旬餘矣已疾革心惛然恐不及須臾見君君還而夫人已在棺痛不及見已哭之曰予父畏約微夫人賢曷至是嗟哉天喪予初質菴君游南雍留夫人舅姑所夫人事舅姑如質菴君事父母已而昏處士長史公及進長史公鄉學則夫人躬之耳壬申湯塘君疾適質菴君鄂城夫人侍湯藥旦夕寢不去卒佐兄伯以喪又如質菴君喪也夫人性嚴而有度治內慎約有共父

文伯崔玄暉母之風至生事死喪舅姑又多男
子事天不永年謂之何哉夫人生以天順丁亥
六月二十六日卒以嘉靖壬午三月二十一日
年五十六生男子三長正時娶唐氏繼娶雷氏
仲正初登嘉靖戊子科歷官知易州蓬州事陞
襄府長史娶王氏繼娶揭氏陳氏季正蒙娶李
氏女二孫男九曰衣生員次裳曰袞曰袞生員
曰裁曰軫曰梲孫女四曾孫男十二撰如彬如

煥如炳如俱庠生餘未名孫女四元孫男六夫
人卒之年塋王子山之原首戊趾辰銘曰

夫人懿德兮靜嘉相夫君兮名邦家年不百
兮登遐坎而封者子耶追而銘者孫耶珠沉
兮明耶玉蘊兮輝耶

伯祖母葛孺人墓誌銘

葛孺人者文林郎樂安令祥雲公繼室也公家
行吏蹟語在家孫表所為誌中公隱約時娶唐
孺人再娶汪孺人又娶汪孺人俱早世弗偕公
以老公以弘治丙午省試正德戊辰拜樂安令
里中人多欲文之公並絕不娶聞孺人著女士
名遂聘之孺人家世有謹厚風父景春業儒好
脩邑人稱為長者孺人天性溫惠端莊美志行

能為丈夫事歸公逮事件太孺人件太孺人者
公後母也孺人事之執婦道惟謹意稍不豫必
愉色而前期得其懽心公令樂安八月解印綬
歸產不及中人囊無系帛錢刀之蓄家猶蕭然
四壁立也孺人佐君生產作業身蠶績歷寒暑
無倦居常節儉不事華靡至賓客過從則出酒
饌甚具未嘗以畜鞠失賢者公兄弟十六人咸
手足視之孺人蓋贊公成友愛之名鄉黨有貧

乏公周之公卒人以子錢償孺人曰若利子錢
非公相恤之意也郤之自是里中無不賢孺人
者先是唐孺人汪孺人各先後舉子女孺人視
之不異已出嫁嫁幣聘多自孺人操作給也孺
人生子三公捐館舍二子垂髫少子尚在襁褓
孺人撫而哭之徒以形影弔耳嘗自嘆曰未亡
人豈重捐生吾將撫諸孤以報公地下已而課
諸子讀父書稍長教以敬業樂群無匪人是比

雲山堂集卷六
二
二三子既壯莫不恂恂然有父風焉孺人率諸婦孝敬字諸子孫亡昵馭臧獲必笞撻曰此亦人子也家子弟力學亡論疏戚必善遇之貧則給饘粥或遺膏佐夜讀亡吝裳猶記共孺人子筆研時孺人以教子者教之經師費多取給焉嘗語裳曰汝必有他日庶幾無怠裳竊有浮名而孺人及見之不虛言哉孺人子且玉立諸孫皆騏驥才日可千里方期以大報懿德而孺人

不逮痛哉孺人生於弘治甲辰三月二十一日卒以嘉靖甲子正月七日享年八十有一是年十一月三日啓公墓合葬時裳守濟南弗視襄事孺人子以裳知孺人也使人命之誌乃著所見聞使後世子孫知焉前孺人子五正中唐氏出正賓正冠正綱正吉再娶汪氏出孺人子三正參正恭皆貢士正慕庠生孫男十二表舉人祧皆正中子襄聚正賓子製榘襲禔檐正冠子

秦庠生棧棻皆正綱子禮科皆庠生正叅子桂
恩貢生袂稠皆庠生正恭子女二孫女八曾孫
翼如太學生表子登如泰如皆庠生襄子諸曾
元孫幼未名銘曰

嗟哉孺人恒德貞兮克勤克儉孝且敬兮富
壽康寧多男子兮天錫純嘏貽休未艾兮

孟父處士寅齋遷葬墓誌銘

孟父處士寅齋公嘉靖乙巳六月十三日卒既
塋未有銘塋九年所子袁棻以堪輿家言欲徙
之難其地會仲父長史三峰公卒將附袁夫人
墓側夫人處士長史母處士亦欲附夫人夫人
墓之山故屬長史也乃請於長史陳孺人孺人
許諾遂發處士故墓視其棺如塋時徙之以十
二月十六日同長史公附袁夫人墓以塋公諱

正時字汝行號寅齋蓋取義真正也父文林即
質菴君母袁夫人生男子三長則公仲則長史
公正初季則棠父願貞正象也袁夫人以成化
戊申五月二十二日辰時生公公為人任俠有
氣節面折不能容人之過疾惡若讐讐然秉純
實亡他勝人或至盛氣中鬱面不能一語而背
反德之性好施予兒時即能解衣推食衣食人
長允倣儻不羈慕魯朱家原巨先之為人也身

服御車馬纜具妻子內困趣人之急甚已之私
多所字孤粟乏及衣棺死者又才能治劇料事
多竒中質菴君約時治第也公時左右之竹頭
木屑畫必當用事亡不治治亡不當質菴君質
菴君雖未厭家政而公之幹蠱業已試之矣質
菴君袁夫人之官以家屬焉公日以盡力亡論
事鉅細必親力使臧獲咸中能無厲怠家朝夕
饘粥足數十口矣袁夫人先質菴君卒以喪還

公執喪哀戚甚悼動遵禮法已卜塋袁夫人或指某子甲地可計獲也公曰吾安母地下求亡愧於心耳何利之敢圖乃卜質菴君故有地以塋至今堪輿家無不人人稱善也質菴君尹隣水廉卒之日僅以其身及圖籍歸公喪之亡廢禮隣水人奉喪來者遺之厚人或謂公侈公曰若不忘父德千里馳驅吾寧忘若哉質菴君袁夫人往矣公縱長史公力學時棠父未習事公

乃獨任家政亡勸力穡治生繕屋廬益曰吾亡一息之亡使浮羨一錢尺帛不已有也公元祐初居食且三十餘年曾不以憲劑見顏色中衣無間言從子裳輩數人子之如已子伏臘經師之資及身衣食莫不畢給長史君生男子裁未數月亡其母公妾嘗女也不舉即以其乳乳之曰吾弟父商瞿憂抱子始今日吾何愛一女哉宗姓人嘗貸子錢約償公與之至期弗償也他日

又貸子錢與之如初又弗償也久之公則焚券
不索一錢矣其天性篤厚可槩見云公平生嗜
學晚益篤少讀書過目即悟博觀外家傳語古
文義多所剖析至為人誦之如出作者之口未
嘗一字訥也裳習見公年五十五手卷不釋或
被酒卧矣即夜起舉燭披誦意得則放歌長吟
聲如金石他日夜亦如之公之於文學亦其性
哉公娶唐孺人卒繼雷孺人男子四衣袞袞禡

衣袞雷氏出俱庠生彙妻鄧氏出禡妻張氏出
女二孫男四煥如炳如俱庠生皆袞子煥如袞
子之為後餘幼未名銘曰

佳城鬱鬱兮母氏同千秋萬禩兮瑞氣葱吁
嗟公兮德之崇

仲父奉議大夫三峰墓誌銘

公諱正初字汝復號一貞子少讀書一過目即
以一貞子印識焉已登邑雪峰寺寺巍然山之岡
俯河山目中垓塿耳更號三峰人以是稱三峰
先生夫吾魏於邑姓著哉始祖處士君福二力
田畜折節為儉非田畜出不衣食以為里中率
福二至公九六世家自父兄子孫約人業農多
樸茂長者而其穎者儒福二生處士君必貴必

貴生志常博茂才異等授經子孫乃鶴亭公珉
司訓歸德湯塘居士碧生文林即祥雲公滋東
崕居士公浚與公父文林即質菴君溶質菴君
起家隣水令大有聲於官以卒蜀祠之名宦語
在順慶郡志中君娶袁夫人生男子三長則實
齋公正時仲剛公季則棠父頤貞正蒙也公皇
時有巨人志口詩書頴敏過人甚質菴君曰嗣
吾經者此子也長沉深好書書好春秋左傳國

語雅騷經戰國不韓柳以詩家言及書不與
古文與義多所自新不難於過也人又謂公即
應舉今文字易耳古書多矣為公曰吾豈無博
哉欲得古人用心處耳故所為文章詩大非作
者焉正德己巳游邑庠韓令宗克守之會顧余
憲英樞文又奇之明年舉不第英曰蛟龍得雲
雨臺池中物耶辛巳質菴君之隣水蒙父從公
辦弟子員也實蘇公柄家政炊薪米象事大小

皆關其手歲時進醪食飲並重足以繼公以是
馳志藝林不問家人產矣質菴君走書曰若力
學亡念我老人老人自祿菴賴李豫耳公日以
謹力質菴君令三年庶亡羨貲以完名死官先
袁夫人卒也公蒲伏峽中以喪還又明年喪質
菴君濱于死者數日所念一經之贈辭方亡勅
蓋至嘉靖戊子始及第計付如京師悲質菴君
其夫人不及見也予仍而中業南雍哭妻妾三

人然與四方賢豪長者相結破萬卷矣間以惡
懷輟文字別汝菴歆然也後十二年戊申知易
州事蒞官公庶不燃官燭諸寮風之歲損百金
易民不田三年一繇老稚口無遺算公曰十五
成丁六十免吾豈令甲悖哉乃復老釋一千二
百有奇已而招集流徙千餘以禪老釋之不算
者久之當路知公政平復以茂山保定衛諸軍
繇屬焉輿頌翕然矣北虜乘秋熟以疾騎馳蹂

雲山堂集卷六
稼穡大司馬翁公言于

天子城白羊禦之公悉心區畫得奇兵二千為諸郡先司馬庶其能曰行不矜方郡人益信公之賢而多司馬能知人也又易多宦宦且中貴人力能私中公問遺請寄亡所容中貴人心疾之莫可為地竟亦恭敬亡他居有間大中丞某以八月十日來紫荆蓋

今天子萬壽日也易距紫荆九十里公留賀會

竟後時某行之故事州郡官不能劇者更之僻遂言公公明年二月乃往知蓬州事州祀曰土主者歲春秋祠羊豕已祠則官入之公曰此豈小德出入哉以授宰夫俾歲具祠已剛界之如故又故有人馬迎送往來諸使人或不人馬欲得償即不百里一夫三錢馬四之謂之短夫馬也百里外則給長夫馬倍短諸使人索重賞數倍公為程而日之夫日八分馬倍之民以是亡

歷公所臨為官推赤心置人腹性不好立名稱
人不誰何者三年會 襄王府右長史去太宰
李公新吏事拔沉滯乃奏擢公往 王素敬賢
得公尤自下君臣唯諾愉愉如也亡何公疾作
乞歸 王驚曰魏先生去我耶弗俞予告一月
公又乞歸 王固留公度王意堅更乞假携妻
子 王許之令給驛馬歸疏移疾 王曰賢相
不來耶乃許致事時五月六日也而公以是日

不起矣嗚呼公官七年坎珂不得志竟以大夫
歸老于家不能為子孫田負郭以卒其于質菴
君亡忝云公卒裳父哭之慟蓋自質菴君往公
與寅齋公及裳父兄弟居爨者數十年一日也
乙巳哭寅齋公矣今又失公哭公曷時已耶公
為人馴行孝謹篤好古道不趨時喜好嘗定墓
祭禮儀率家子弟行之罔不懼然化也又中豈
弟甚與人為善唯恐弗及邑中人士多所從游

焉家子弟列橫塾登薦紳皆受經門下而裳尤
恩云公生以弘治庚戌二月二十五日卒以嘉
靖乙卯五月六日年六十有六公娶王孺人繼
揭孺人生男子裁繼陳孺人生男子衿女一適
謝三錫光祿寺監事公嘗憂二子嗣及裁衿舉
子而公不克見矣嗚呼痛哉卒之年十二月十
五日葬于袁夫人墓之左銘曰
天啓而秉胡祚不先天翼而躬胡命不延以

安厥靈母氏之原百千萬禩潛德光焉

亡妻劉恭人墓誌銘

夫人劉氏之壙也哀夫刑部主事蘭川子為之
銘或曰夫銘有諸曰於古有之昔唐柳子誌楊
氏墓宋劉子銘陶氏壙天下至今誦之而二氏
亦未有聞於世蓋情親則行可悉知稔則言有
徵也乃援筆泣書云劉氏望族也世居鄂蒲公
安里曾祖諱鐸武昌衛指揮同知
誥封明威將軍祖諱滋以武功授試百戶未仕

篤好古道文雅不群非介冑伍父諱禾伯采果
俱補邑庠生德誼表著鄉評推重父娶於同邑
鄉進士魏顯之女是生夫人夫人性溫良尤明
敏父母愛且篤甫五齡洞達女事言笑不苟訓
以禮則習而安之歲家慶祖令稱觴上壽拜跪
起伏幼穉弗堪夫人帥之若天性然祖曰是女
不類凡見他日貴顯罕儷嘉靖庚寅予年十有
三予父以宗祧之重難其配戚才僉曰莫如劉

氏宜一日從父武泉語父曰劉氏德門克崇爨
典若女夙閑家訓德可配室而子宜莫如劉氏
女卜既協吉文定厥祥未幾母魏氏卒夫人侍
父唯謹父曰使吾有男如女吾復何憾哉歲戊
戌歸予所事所言動遵儀矩事予父母克孝敬
予父母與伯父母同居爨夫人祇率婦道無少
違怠時予遊邑庠治經史夫人恪脩宮事深有
助焉丙午予領鄉薦戊申伯父三峰守易州予

奉伯母蒞任以夫人從居易年餘執婦道不渝厥初庚戌予忝甲科乃迎如京師是年冬予受官刑部明年正月而夫人以產疾卒嗚呼以夫人之賢事予十有三年服勤饋食艱苦萬狀予方筮仕而夫人遽殞痛哉夫人生男子二樸如彬如可冀成立女一生纔逾月竟累夫人壽悼痛之懷何維其已夫人之北行也議以子從夫人曰舅姑之子行矣留吾子以怡吾舅姑不亦

可乎故維以次子往而長獨留焉遂使哭不及襲歛不憑棺終天之痛尚忍言哉夫人教子嚴詞色不少假借聞讀小學書至婦人夫人曰我當佩服也至男子則曰汝曹勉之一夕述柳開仲塗語曰世間有此惡婦須要男子剛腸吾兒記此不可忘也其他切要語每聞必加戒飭義方之訓大率若是夫人生於正德十二年丁丑以嘉靖三十年辛亥正月十五日終於正寢哀

夫既於

朝扶纒而歸是年十月十六日塋於祥雲山之

原銘曰

公安劉氏世稱德門有女來歸維德之行正
德丁丑設帳之辰嘉靖辛亥鴻飛于冥相我
中閨十三寒暑內洽爾雍未垂芳譽天弗憖
遺相我不終德豐壽留我心恫恫祥雲之原
風氣依平夫人宅茲百千萬億

贈工部尚書鮑先生墓誌銘代作

兵部左侍郎鮑先生卒

天子悼之贈工部尚書賜祭葬葬未有銘孫獻
旌以余與先生同舉進士相愛共事司馬曹又
相愛屬銘於余曰父治命也請無辭按邑人方
伯江君珍次先生行及郡人中丞汪君某論其
詳銘先生姓鮑氏諱象賢字復之歙人
也其父某某也巴氏晉護軍中尉仲家新安

中處士榮徙歙棠樾世其家明興曰慶雲榮八
世孫慶雲生時明時明生萬善萬善生邦燦邦
燦生光祖世以行誼著里中時明性孝母病吮
疽愈事聞褒異光祖先生父賢而隱邦燦光祖
後皆以先生官贈通議大夫兵部右侍郎妻皆
贈淑人先生自幼不群讀書堂芝生人異之鼠
嘗噬書先生為文夜告神若傳爰書訊鞠狀旦
則多鼠伏堂下以死人異曰此公輔兆也已為

學官弟子學憲莆陽林公某試其文高等曰鮑
生奇佗日所就不小正德丁卯舉于鄉嘉靖己
丑登進士第授四川道御史數言政事便宜忤
宰相張公某及中丞汪公某東閣李公某曰鮑
生顛為御史能恐有所不宜癸巳出為湖廣按
察司僉事部荆岳友人曰李公嘗言鮑生今果
然矣人或讓先生先生曰忠臣能其官豈擇位
耶先生以荆岳多盜咎在守令不循守條職申

勅諸郡邑長吏貶退稱進能否分明乃擇郡中
豪為爪牙把其他罪使督盜若盜首實及得佗
盜者宥以故守令寡其過失人皆股弁盜多化
為良民歛人吳賢賈興國嘗與州人爭州人尋
以病卒吏法賢逮繫十年先生知賢寃脫之或
謂賢鄉人先生曰法不死何嫌為楚王九日宴
一姬不與姬兄某為具抵姬相向而泣王手刃
姬又誣其兄姦致于法人憚王亡與質者先生

脫其桎梏亡憚佗日宗人負王子母錢督責嚴
先生言王曰王富貴

太祖貽也以王之有貽

太祖子孫王何愛焉且宗人安則王長有富貴
否則王何賴之王感悟止收其母錢中丞顧公
某疏曰鮑象賢止盜明刑職事舉乃其質直仁
私不媚尊貴臣獨重之戍戍遷雲南按察司副
使備兵臨安初

世宗改元詔諭安南道不通亡何莫登庸遣使
入貢登庸故篡主自立廣西守臣察國王姓名
非故拒不納久之

天子怒安南不廷將兵之制下廣西雲南諸臣
議或請命將出師動搖百姓先生曰夷狄相攻
中國之利何辜與兵罷民為上竟許交人降如
先生書

詔賜先生諸臣銀幣滇人稽首曰吾等生鮑君

之賜也肖像祀馬尋以父喪去三年為陝西按
察司副使至則拊循士卒修戰守之備人樂為
用花馬池之役中丞張公某專閫外張公某鎮
榆林李公某鎮寧夏先生與言邊白上策在復
河套其次城守榆林近虜堡堅地緩險亡虞甘
肅遠虜不常至河冰合當守蘭靖今敵臺踈薄
無所用武戍卒露居難責以死力善待敵者先
已善治外者先內其同心計之遂上其議

制曰可乃夾花馬北樓為臺三在達橫城右達
定邊臺八十步定邊南六十里因險為塹廬數
百自是戍卒安居聲勢聯絡屹乎天險矣定邊
卒當踐更或以變制失軍心幾為亂先生誨諭
帖服是歲虜遁朔方無王庭乙巳遷雲南布政
司右布政以母喪去三年參政山東己酉遷山
東按察司按察使庚戌上計京師諸大臣考覈
長吏某先生稱其才諸大臣曰御史議罷先生

曰御史臧否一事耳不知其他抗言不屈竟留
諸大臣相謂曰鮑象賢分明一邊方都御史也
亡何遷江西布政司右布政公庶不發私書絕
知友賓客之請人亡懟是年秋遷陝西左布政
既被命

天子以匈奴入寇簡重臣鎮之乃遷都察院右
副都御史先生疾騎往暮謀精覈動中機宜虜
至斬首多獲夷器馬駝亡算

詔賜銀幣者二辛丑巡撫雲南沅江那鑑殺兄
子奪其印綬布政某以身嘗賊墜馬死滇人震
恐事聞天官李公某曰鮑象賢在滇主安南議
人德之今以往可不煩兵下先生奉璽書往曰
夷自爭立耳鑑豈叛者耶第今死重臣法當坐
鑑乃諭鑑以法鑑懼欲自殺衆止之曰汝首禍
宜及我等何辜鑑曰鮑君能活人我死若等生
矣遂飲藥以死後止論黨惡數人餘罔治先是

滇人聞難作曰鮑君在何等有今日事及聞代
曰此一路福星也勲臣沐臣輔卒其妻子佗人
子輔弟朝弼爭立先生曰此沐氏家事有母在
可決矣使問之母果是朝弼人曰母在無私乎
先生曰即私朝弼猶沐氏子也輔妻子他人失
甚衆語遂塞先生能決疑大獄類如此癸丑遷
刑部右侍郎尋改兵部右侍郎兼都察院右僉
都御史提督兩廣軍務時嶺海撫臣久缺徯僮

出沒道塞不通劇賊徐鈺等誘倭夷海上勢猖
獗山則陳文伯等為亂先生至則飭將吏覈戎
實申明賞罰竟斬賊首一千六百有奇

詔賜銀幣廕一子尋改南京兵部右侍郎或以
佗事言先生

詔賜休沐屏居十餘年薦剡騰起先生自守泊
如亡希世徽榮意癸亥上召先生太僕卿遼青
齊鄒苑諸郡旱饑盜賊多前撫蘇公某墾荒田

均豪右下戶賦不得行其志乃擢先生戶部右
侍郎兼都察院右副都御史總營田之務先生
至東人喜曰是嘗按察我者先生曰吾政興革
自俗習而安者聽之下令田賦如故山東歲漕
米數十萬民罷舟車先生言大司農入價民樂
其惠長吏或有受取先生陰得其罪贓乃手自
牒書曰民條言爾如牒不忍相暴章故使人平
鑄令庶幾有改長吏愧悟逾年遷官其以寬輔

法如此乙丑以年至乞骸骨歸弗許尋遷兵部
右侍郎再疏又弗許會先生生子孝友曾孫孟英
相繼卒憂憤成疾又疏乞骸骨歸以老

上許之歸一年卒時隆慶戊辰正月三十日也
詔贈先生工部尚書先生為人剛毅著中實坦
夷面折人過不以容人莫不愛敬之官中外三
十餘年所至有赫赫名去後常見思家行脩敦
孝友亡怠伯兄某從家奴賈錢且索奴逃匿京

師餽先生千金先生曰吾貴汝豈受餽耶遣歸
伯兄釋之他日同賈人索伯兄逋金三千亡以
償父罪伯兄甚先生出俸錢給之從弟某卒貲
巨萬人以其子幼私心在焉先生計其貲牒書
封識且密長畀之如故先生名由是益賢先生
愛讀書不耽著述曰古訓是式吾志也乃掇所
讀書語為蓄德集示獻旌病革猶口誦不置正
容貌整衣冠以卒先生生于弘治丙辰二月十

聖山堂集卷六
四
六日卒之日年七十有三配汪氏封淑人子男
一孝友太學生卒女二長適萬安主簿許應簡
次適鴻臚署丞吳某孝友娶黃氏生孫男獻旌
太學生娶吳氏孫女一適舉人程道充曾孫男
一孟英卒曾孫女二長聘許翰檢子次未聘是
年十一月二十七日葬先生三公園之原銘曰
嗟哉先生天植其德秉忠竭勞恪共劇職為世
吏師邦之司直澤被寰區功貽社稷

帝眷老臣殊恩罔極長夜如歸我心孔惻三公
之阡畢如以息於萬斯年葆光幽域

祭余母

嗟孺人之淑範兮，紉蘭菹之清芬。脩竒羅於早
歲兮，辨溫惠以惟貞。昭不忒於縞綦兮，冒蒙山
其克紹。折䟽麻以顧神兮，羗伯鸞之雅操。相夫
君而婉孌兮，森玉樹於庭階。穀孫子以來貺兮，
肆相羊以徘徊。悲寶婺之夙隕兮，顧栝倦而曾
惻。歎緒風之震撼兮，紛佗傺而結縉。曩婚媾之
締盟兮，景孺人之徽音。奄大專之不佑兮，載營

雲山堂集卷之二
三
魄以遐征嗟余臆兮旁皇蒸惠有兮桂漿惟明
靈兮洋洋乘玄雲兮來嘗

祭吳中書夫人

昭哉令族誕茲女士婉嫕其儀淑慎其止爰自
待年四典克從亦既有行肅肅雍雍敦悅憲章
師心率已內治適脩動不踰矩衿纓晨夕疊疊
忘劬庭闈菽水祇罄驩娛仰奉先姑禮脩遠尚
終始弗渝閭德斯諒居室有度宴昵弗留呂榮
紹軌相戒盤遊四壁徒存寥寥負郭以儉為榮
躬持清約入釐絲泉出懋蘋繁契濶中饋展彼

碩媛芳徽風邁百行不忒允迪前猷貽之嬪則
謂膺介祉肇慶發祥云胡早歲精爽悴傷胤嗣
凋零尊章即世伶聘偏孤堂構隕瘁遭時奇薄
銜恤在疚穹蒼茫茫莫我肯顧良人出否振拔
汙泥腕中夢渚通籍金閨借老是盟方期翟服
歲月幾何殲茲賢淑嗚呼哀哉蘭芬易摧玉鎮
斯折世履冲華百憂蘊結僚幽長畢絕緒莫承
愴悅湮微長慟撫膺總帳空陳殽觴虛列寂寂

庭遙瑤琴哀咽嗚呼哀哉德公歸隱孰共鹿門
安人作賦空擬招魂白雲慘晨長風悲節是非
何皇棲棲梁月嗚呼哀哉神歸太素流芳未歇
彤管清暉於昭日月飛旒翩翩同袍共戚潛隧
有期幽明異域哀詞千里慰爾長歸聊陳奠饋
顧望歔歔

祭劉侍御太夫人

嗟哉孺人之德其克配德公而成其子之令名者與且生於其里足多也夫君葆光丘壑條然塵世外孺人與偕至樂已乃先夫君以死可不為痛哭耶令子種德績文范陽故邑兩振英聲簡命西臺聞望益著即祿秩及孺人尊且榮矣孺人乃不待以死何耶嗚呼夫君清名鹿門並稱令子之與黃門子又後先相望孺人幸有夫

與子而未其名於後世也乃今以天年終復何
忝於冥冥哉某等與孺人之子同舉於鄉同官
於朝情均兄弟視孺人猶母也况解佩截髮之
誼尤有永懷者耶千里招魂生芻一束惟靈有
知鑒此衷曲

祭劉太夫人

嗟哉孺人內行誠莊儀且婉嫺不忒余往來之
知也乃夫君紉蘭辟芷好脩竒服伯鸞高節難
乎其襮使非賢淑內也其何以稱焉令子富文
藝振翮詞林所臨為官勵志勤力不隨世俛仰
即士行非凡器而內訓之懿可少耶嗟哉孺人
名齊德曜亦湛母稱成夫子之令德藉朝野之
徽音栢府聲華

雲山堂集卷之二
五十五
恩馳有待溢年歲之不與豈天命之難忱耶某
等桑梓同游異鄉羈宦知孺人之夫又知孺人
之子孺人之逝也烏得不酌之以酒而哀之以
詞

祭封君

嗟先生之好脩兮奉神明之惟熙彌融爚以潛
珍兮允貞一之無虧淹棲遲以娛志兮絕塵邈
而弗替葆立壑之清暉兮適翩翩其高逝紹孤
蹤於南郭兮儼隨夷以相羊紉秋蘭之馥郁兮
扈辟正之幽芳宅虛靜以恬愉兮超無欲而自
適才涇鬱而靡施兮邁音微於籍籍森玉樹於
庭階兮乃發祥於嗣子介景福之未艾兮方祇

承乎帝社歲月忽其不淹兮乘虛無而上征載
營魄以反其貞兮超氛埃而翹紫清追赤松與
遊翔兮聊逍遙以担橋慕韓衆之得一兮躡卿
雲之縹緲哀冢子之羈旅兮曰摧魂於異鄉悽
祿養之弗逮兮情寃結而中傷感同袍之雅素
使兮我心其惻兮聽陳辭而莫濁醪兮庶來歆於玄
默

祭黃羅湖代父

嗚呼公之夫人吾之女弟也先大夫祥雲質菴
君與而翁游深相契結祥雲君奇公垂髫之年
以夫人室公通家厚誼世講弗替蒙等與公握
手稱兄弟者數十年里社論心朝夕過從多剖
心析肝語古所稱莫逆交者復何加哉公才如
騏驥一日千里蓋從諸生時文章爾雅通古今
之誼里中人咸偉視之已而從博士第子尚友

雲山堂集卷之二
天下知名士而公之聞望益著公猶欲用其所
未足也養晦丘園飭躬勵行凜乎德誼長者之
風方將以其素所蓄積者效用於時乃今賣志
以沒豈不深可惜哉嗚呼公之先世惠政在民
流芳仕版即公之身懷瑾握瑜不克用之當世
然世德深厚長發其祥其所施於子孫者亦既
遠且大矣公雖地下不亦愉快於心耶青烏告
吉就窆有期未亡人率諸孤而哭之象筭蓋不

勝永訣之情也豆羹卮酒敬酌几筵公其知之
否耶

哭延甫十八第

隆慶六年十月己未第延甫就寔於大塘山先
三日丁巳兄順甫為文率第裁衿子撲如等奠
之嗟乎吾兄弟之情至矣焉用文之顧第雅好
文詞今雖死豈不猶生哉父伯遠大父母養相
依為命者數十年吾與第輩怡怡膝前起居食
息無旦暮之遠吾母視第猶子第亦母之吾兄
弟情義藹然宗族鄉黨多所稱慕即古稱難為

雪山堂集卷之六
五十九
者不是過也第學問知義理口如鄧艾然心通
百物若有神靈啓焉方期效用當世不謂終身
一布衣也吾宦遊東方第侍父來游赤日長途
不以為勩登泰山躡靈巖父子兄弟聚觀名勝
陳荀之會至今銘之德星岩矣頻年山中飲食
言笑不異兒時年未安仁鬢毛先白顏童齒豁
莫知其由詎意天年竟止斯耶初聞弟病寄問
寒暄不二日而聞病革蒲伏至則已蓋棺矣傷

哉痛哉老母在堂子孫稚幼地下或未瞑目視
母猶母字子如兒弟身後所托靈必知之知之
則何憾耶傷哉痛哉詞不盈幅有淚如泉第其
聽之

祭劉中丞封君

嗟哉先生世賢令子得非王濬仲之清賞嵇延
祖之出群邪漢康之在當時趨利祿之路無足
多者先生懷瑾握瑜鴻冥鳳舉非弋人所及所
由高行視古何啻逕廷哉令子富文藝振翻詞
林為郎為大夫為中丞有光大之烈平倭北苗
恩威並茂豈材能者可庶幾耶彼杖節西征不
知盛滿令子之明哲全身則又遠過之矣嗟哉

雲山堂集卷之二
先生種德既豐考終壽命無疆之休延其孫子
即今地下無恨矣裳自西曹辱交令子二十年
間知先生行誼甚著客秋一造遽廬未聆謦欬
好修姱節則里中人人誦之儘馬長逝千里悲
風薄奠弗親靈其鑒只

祭彭處士

嗟先生之純懿兮廓抱景而孤居苑玄文以宅
幽兮紹南郭之音徽直躬指而信內兮承厥考
之妙儀縷杜若之馥馥兮帶素霓之逶迤扈離
正於江湄兮舉宿奔於長洲昭架燧於嘉橘兮
繫小山之淹留若芳澤其雜糅兮繫衷情於紐
帛曰紛愠以宜脩兮抗鹿門之高節儘年歲之
已晏兮耀靈迫而西征豈韓衆之共愉兮抑桑

戶之及貞孤子吟而投淚兮哀昊穹其罔極思
絳結而靡薄兮中蹇產而焉釋至貞人之作德
兮鬱川嶽之清暉紛鳶羅之長蔓兮瞻陵華之
依依豆吾羞兮蘭藉尊吾醕兮椒馨跽陳辭兮颺
靈庶冥漠兮居歎

雲山堂集六卷終



